

Protocol no. 88
Sezzüda da lündeschdi, 7 favrer 2011, 20.00 – 22.10

Preschaints: Jon Carl Rauch; Chasper Alexander Felix, Georg Salomon, Marianne Werro-Lehmann, Jachen Andri Schmidt e Rico Zini (protocol)

Protocol

Il protocol no. 87 da la sezzüda dals 31 schner 2011 vain approvà.

758 021 FABRICA
Georg Salomon – Ingrondimaint restorant e lobgia – Vastur 347

Sün dumonda da sar Georg decida il Cussagl cumünal, in assenza dal schef turissem, da dar il permiss da fabrica pel intent manzunà aint il titul cun seguaintas cundiziuns:

1. Tenor la dumonda acclusa al permiss da fabrica.
2. Il decret no. 2010-0913 dal Chantun (BAB) es part integrala da quist permiss.
3. Taxa chantunala BAB: fr. 1026.--.
4. Taxa da trattamaint: fr. 200.--.

759 020 ADMINISTRAZIUN CUMÜNALA
Persunal d'administraziun

Branislava Mrkonijc es causa la gravidanza a partir da subit abla da lavurar be amo 60 %. Per cumpensar l'absenza vain ingaschada Annursina Zini-Rauch per 1 – 1.5 dis l'eivna (lavor d'impostas e da contabilità). L'ingaschamaint d'ura infin cha Patrizia Primerano surpiglia plainamaing per ca. 2 – 3 mais la lavor da Branislava. Davo as spera d'avair chattà ün chanzlist (a), uschè cha'l chanzlist actual pudess surtour, dasper las finanzas eir las incumbenzas actualas da Branislava.

760 942.423.11 Oters fits da stabilimaints da finanzas
Fittanza locals schler da protecziun Tuols

Il Cussagl cumünal decida da dar a fit 2 locals per far musica i'l schler da protecziun Tuols. Las modalitats vegnan fats giò culs fittaders in üna curvegna.

761 942.318 Taxas per stabilimaints da finanzas
Local sur la scoulina

Üna gruppa da ballar, manada da dna. Sibylle Shaw, ha fat la dumonda da pudair far adöver dal local sur la scoulina. Il Cussagl cumünal decida cha la gövgia o'l venderdi füssa pussibel da far adöver da quel local.

762 860.318.04 Città d'energia
Retrar energia solara per la chasa da scoula

Il capo orientescha al Cussagl cumünal sur da la sezzüda a regard la certificaziun dal label cità d'energia. Dürant la prümavaira vain controllà scha Sent ha raggiunt ils puncts bsögnaivels per artschaiver il label. Üna masüra per augmantar ils puncts füss da retrar forza solara per la chasa da scoula. Il quint da forza s'augmantess per fr. 3'500.-- l'on.

Il Cussagl cumünal decida, consideront cha l'implant fotovoltaic sül lavuratori prodüa bainquant daplü forza solara sco previs, dad ütilisar in chasa da scoula forza solara.

Varia

Pantiganas in cumün

Id es gnü fat attent chi saja darcheu bleras pantiganas chi giran per cumün intuorn e chi füss da far alch cunter.

Il Cussagl cumünal manaja cha las renovaziuns da las lingias da scul chi gnaran fattas dürant ils prossems ons manaran ün megl dramaint. I vain decis da nu far uossa concret alch lacunter. I nu's tratta pel mumaint amo propcha d'üna epidemia.

L'actuar: